

নিউ থিয়েটার্সের নিবেদন—

ভাগ্যচক্র

পণ্ডিত সুদর্শনের লিখিত গল্প হইতে গৃহীত



—চিত্র পরিবেশক—

অরোরা ফিল্ম কর্পোরেশন্ লিমিটেড্

১২৫, ধর্মতলা ষ্ট্রীট, কলিকাতা

চিত্রনাট্য, পরিচালনা ও চিত্র শিল্প

নীতীন বসু

ভূমিকায়—

বিশ্বনাথ, দুর্গাদাস, পাহাড়ী, কৃষ্ণচন্দ্র, অমর মল্লিক
উমা, দেববালা প্রভৃতি

ভাগ্যচক্র

ছই ভাইএ সম্ভাবই ছিল, কিন্তু হীরালাল উইল করিবার পর হইতেই শ্রামলালের মনে বিষাক্ত হইয়া উঠিল—তাহার ধারণা হইল দাদা তাহাকে তাহার শ্রাম্য প্রাপ্য হইতে বঞ্চিত করিয়াছেন। শ্রামলাল ক্রোধে জ্ঞানশূন্য হইয়া দাদাকে জব্দ করিবার উপায় চিন্তা করিতে লাগিল। উপায় খুঁজিতে বিলম্ব হইল না।

হীরালালের একমাত্র সন্তান, তিন বৎসর বয়স্ক দিলীপ। শ্রামলাল দিলীপকে একদিন লোক লাগাইয়া সরাইয়া ফেলিল।

প্রাণপ্রিয় শিশু-পুত্রকে হারাইয়া হীরালাল পাগলের মত হইল। তাহার চোখে সমস্ত সংসার অন্ধকার হইয়া গেল।

শ্রামলাল ঝাঁকের মাথায় কাজটা করিয়া ফেলিয়াছে বটে, কিন্তু কয়েকদিন পরেই উইল দেখিয়া, ব্যাপার বুঝিতে পারিয়া দিলীপকে উদ্ধার করিয়া আনিবার জন্ত সে-ই সবচেয়ে ব্যাকুল হইল। তীব্র অনুশোচনায় তাহার দেহ মন দগ্ধ হইতে লাগিল।

দিকে দিকে লোক ছুটিল। পুলিশে খবর দেওয়া হইল, সংবাদ-পত্রে বাহির হইল বিজ্ঞাপন। কিন্তু হায়! এত করিয়াও দিলীপের কোন খবরই কেহ আনিতে পারিল না।

* * * * *

নিজের সঙ্গীতে আত্মহারা দরিদ্র অন্ধ-গায়ক সুরদাস কলিকাতায় এক নির্জন পথে ঘুমন্ত শিশু দিলীপকে কুড়াইয়া পাইল। পথে-কুড়ান ঘুমন্ত-শিশুকে সে পরম স্নেহে বুকে করিয়া নিজের গৃহে আনিল।

দিনের পর দিন যায়, হারাণ-শিশুর কোন সন্ধানই কেহ করিল না। সুরদাসের মন কিন্তু ইহাতে এক অপূর্ণ পুলকে ভরিয়া উঠিল! তাহার মনে হইল, ভগবান তাহাকে দৃষ্টিতে বঞ্চিত করিয়াছেন—কিন্তু তাহার পরিবর্তে দান করিলেন এক অমূল্য সম্পদ।

যাহাকে সুরদাস পথ হইতে কুড়াইয়া আনিল সেই শিশুই ক্রমে তাহার সকল স্নেহ ভালবাসা অধিকার করিয়া মন জুড়িয়া বসিল। বৈরাগী সুরদাসকে এই ক্ষুদ্র শিশু ঘোরতর সংসারী করিয়া তুলিল!

এতদিন যাহা পরম অবহেলায় প্রত্যাখ্যান করিয়াছিল, প্রাণাধিক এই শিশুর ভবিষ্যৎ ভাবনায় সুরদাসকে এইবার তাহাই করিতে হইল। সুরদাস এক থিয়েটারে গায়কের চাকরী লইল।

সুকঠ সুরদাসের খ্যাতি দেশময়। তাহার সংসারের অবস্থাও এখন স্বচ্ছল। সুরদাস বাসা পরিবর্তন করিল এবং শিশুর জন্ম প্রয়োজনের অতিরিক্ত ব্যয় করিতে লাগিল। শিশুর নূতন নামকরণ হইল—দীপক।

* * * * *

..... ২০ বৎসর পরে।

দীপক এখন যুবক। সুরদাসের শিক্ষায় বিখ্যাত রেডিও-গায়ক। দীপক জানে সুরদাসই তাহার পিতা! দীপকের কোন সাধই অপূর্ণ থাকে না—সাধ্যাতীত না হইলে সুরদাস তাহা পূর্ণ করে। “পিতা-পুত্রে”র দিন পরম সুখে কাটিয়া যাইত—কিন্তু ভাগ্যচক্রের লিখন ছিল অন্য প্রকার!

মীরার সহিত দীপকের পরিচয় হইল। পরিচয় ক্রমশঃ গাঢ় হইতে গাঢ়তর হইতে অবশেষে পরিণত হইল প্রেমে। পিতৃহীনা মীরা ধনী কন্যা; যে সমাজের মেয়ে সে, দীপকের সমাজ তাহা হইতে বহু উচ্ছে। মানুষের শ্রেষ্ঠতা হীনতা যেখানে ধন-দৌলতের মাপকাঠিতে। সুশিক্ষিত, সুশ্রী, সুগায়ক হইলেও দীপক গরীব।

এই অবস্থায় মীরার সহিত দীপকের মিলন—মীরার মা কল্পনাও করিতে পারেন না। মীরার মা নিজ সমাজের কোন ধনী-সন্তানের সহিত কন্যার বিবাহ দিতে চান।

মিঃ রায় অবস্থাপন্ন, সুন্দর, সুশিক্ষিত এবং বিলাতফেরৎ। মীরার মা মনে মনে ইঁহাকেই মীরার ভাবী স্বামীরূপে কল্পনা করিয়া থাকেন।

মায়ের ভাবগতিক দেখিয়া মীরা মাকে বলিল যে সে নিজেই দীপককে এ বাড়ীতে আসিতে নিষেধ করিয়া দিবে। এখানে আসিয়া তাহার অনাবশ্যক অপমানিত হইবার কোন প্রয়োজন নাই।

মীরার মা কোন সূত্রে জানিতে পারেন যে দীপক সুরদাসের পালিত পুত্র। কন্যার মনকে বিকল্প করিবার আশায় মা মীরাকেও একদিন এই কথা বলিলেন। কিন্তু মীরার মন ইহা সত্য বলিয়া মানিতে পারিল না।

মীরা দীপককে মায়ের কাছে শোনা সকল কথাই বলিল।

দীপক সুরদাসকে তাহার সত্য পরিচয় সুধাইল। সুরদাস দীপককে হারাইবার ভয়ে সত্য গোপন করিবার প্রাণপন চেষ্টা করিয়াও পারিল না। দীপককে সে সকল কথা খুলিয়া বলিল।

এক মিমেরে দীপকের সমস্ত স্বপ্ন ভাঙ্গিয়া গেল। যাহা সে কখনও কল্পনাও করে নাই, যাহা কখনও সম্ভব বলিয়া সে ভাবিতেও পারে নাই—তাহাই আজ কঠোর সত্যের বেশে তাহার সমস্ত জীবন মরুভূমি করিয়া দিব্য উপক্রম করিয়াছে!

দীপক মীরার কাছে শেষ বিদায় লইবার জন্ত নিজের সত্য পরিচয় জানাইল। কিন্তু মীরার মনের কোন পরিবর্তন হইল না। নিজের মন যাহাকে একবার দান করিয়াছে, তাহাকে সে কখনও ছাড়িতে পারে না। প্রেমাস্পদের জন্ত নিজের সমাজ সংসার পরিত্যাগ করিয়া মীরা দীপকের সঙ্গে মোটরে নিরুদ্দেশ বাত্মা করিল।

* * * * *

শিশু-দিলীপ ২০ বৎসর পূর্বে হীরালালের গৃহ চির অন্ধকার করিয়া আসে। ১০ বৎসর পরে যুবক দীপক অন্ধ-সুরদাসের জীবন অন্ধকার করিয়া আবার কোথায় চলিয়া গেল।

দীপক ছিল অন্ধ-সুরদাসের নয়ন। সেই দীপক আজ নিরুদ্দেশ! যে দীপককে অন্তরের সমস্ত স্নেহ দিয়া, সর্বস্ব দিয়া সে মানুষ করিয়াছে, সেই দীপক তাহাকে ভুলিয়া কয়দিন থাকিতে পারিবে? যে দীপক সুরদাস ছাড়া একদিনও কোথাও থাকিতে পারে না, সে আসিবে—নিশ্চয়ই ফিরিয়া আসিবে।

দিনের পর দিন কাটিয়া যায়, দীপক ফেরে না।

সুরদাসের আজ অর্থের প্রয়োজন ফুরাইল—যাহার জন্ত অর্থ, সেই যখন চলিয়া গেল, টাকা আর তাহার কি হইবে? সুরদাস থিয়েটারের সহিত সকল সম্বন্ধ শেষ করিয়া আবার তাহার পূর্ব জীবনে প্রত্যাবর্তন করিল।

সুরদাস ছাড়িয়া যাওয়ায় থিয়েটারের আকর্ষণও কমিয়া গেল। সুরদাসের নামেই জনসমাগম হইত—সুরদাস চলিয়া গেল, জনসমাগমও কমিতে লাগিল। থিয়েটার প্রায় অচল।

থিয়েটারের ম্যানেজার দেখিল যে সুরদাস ছাড়া বাবসা চালান অসম্ভব। যেমন করিয়া হউক সুরদাসকে ফিরাইয়া আনিতেই হইবে। সে সুরদাসের নিকট গিয়া বলিল, যে, দীপক ও সুরদাসের জীবনকথা লইয়া এক নাটক রচনা করিয়া দেশ-বিদেশে তাহার অভিনয় করিয়া ফিরিবে। নাটকের নাম হইবে “সুরদাস” এবং সুরদাস নিজেই থাকিবে এই নাটকে নাম-ভূমিকায়।

দীপক যেখানেই থাক, একদিন না একদিন সে এই অভিনয় দেখিবেই—তাহার
প্রাণ কি তখন স্থির থাকিতে পারিবে? সুরদাসকে দেখিলে দীপক—সুরদাসের
দীপক—তাহার কোলে ফিরিয়া আসিবেই।

নিবিড় অন্ধকারে সুরদাস আশার আলো দেখিতে পাইল। সুরদাস আবার
থিয়েটারে ফিরিল।

* * * * *

সন্মুখে অনন্ত পথ। মোটরে মীরা ও দীপক। যাত্রার শেষ কোথায় কেহ
জানে না।

পিছনে আর একটি মোটর। তাহাতে হীরালালের নিযুক্ত দুইজন গোয়েন্দা
এবং গ্রামলাল।

হটাৎ পিছনে মোটর দেখিয়া দীপক মনে করিল মীরার মা তাহাদের
ধরিবার জন্য লোক পাটাইয়াছেন। এই আবস্থায় ধরা পড়া, তাহার পর মীরার
মাতার কাছে—সমাজের কাছে মুখ দেখাইবার কথা মনে করিতেও তাদের
বুক কাঁপিয়া উঠিল। সঙ্গে সঙ্গে মোটর ছুটিল, ঝড়ের বেগে। ফলে হইল এক
প্রচণ্ড দুর্ঘটনা। গাড়ী হইতে দুজন ছিটকাইয়া পড়িল। দীপক মাথায় সাংঘাতিক
আঘাত পাইল।

দুর্ঘটনার পর গ্রামলাল, দীপক এবং মীরাকে বেনারসে নিজের বাড়ীতে
লইয়া গেল।

কোন প্রকার চিকিৎসাই বাকি থাকিল না—কিছু সবই বৃথা হইল দীপকের
নষ্ট-স্মৃতি আবার যে কখনও ফিরিয়া আসিবে—হীরালাল এ আশা প্রায় ত্যাগ
করিল।

* * * * *

বেনারসে “সুরদাস” অভিনয়! হীরালাল দীপককে লইয়া অভিনয়
দেখিতে আসিয়াছেন।

পর্দা উঠিল।

মঞ্চে সুরদাস—অন্ধ সুরদাস !!

দীপকের মন কেন চঞ্চল হইল?.....

দীপক ভাবে.....

“অন্ধগাঙ্ক সুরদাস.....

“বহু দিনের চেনা বলিয়া মনে হয়.....

“বহু দিনের কথা.....

“অন্ধ-সুরদাস..... দীপক.....

অভিনয় চলিয়াছে—দৃশ্যের পর দৃশ্য, শিশু দীপকের শৈশব হইতে পর পর তাহার সমস্ত জীবন-দৃশ্য সাজানো। সুরদাসের স্নেহ ভালবাসা.....

দীপকের মনে পড়িতেছে—সবই যেন তাহার জানা কথা—চেনা লোকের কথা.....

হঠাৎ দীপকের মন হইতে বিশ্বতির ঘন পর্দা সরিয়া গেল। সুরদাস—মীরা—একে একে সবই তাহার মনে ভাসিয়া উঠিল।.....

ভাগ্যচক্রে শেষ খেলা—হীরালাল ফিরিয়া পাইল তাহার হারান দীপকে। সুরদাস পাইল তাহার দীপককে। দীপক পাইল মীরাকে।

গান

[১]

মনের আমার খুলে দে তোর দ্বার
আসুক আলো ঘুচুক অন্ধকার।
জগতে আজ কিসের মেলা, কতই কান্না-
হাঁসির খেলা,
শুধায় না কেউ আমার কথা, রই যে
পথের ধার ॥

ভাঙ্গা-গড়ার বিপুল ধরায় এক নিমেষেই
সকল হারায়,
ভেঙ্গে যে যায় ছুদিন পরে সকল অহঙ্কার ॥
তঁার চরণে জানাই নতি যিনি পথিক-
জনের গতি,
তিনিই শুধু সহায় হীনের পরম আপনার ॥

[২]

ওরে পথিক, তাকা পিছন পানে।
চোর আসে ঐ চুপি চুপি জানাই
কাণে কাণে।
যা'-কিছু তোর সঞ্চিত ধন এবার সে
যে ক'রবে হরণ,
হয়তো ধরা পড়বি এখন কোন্ কান্কে
কে জানে ॥

বাধরে বোঝা, চলরে সোজা ভরসা আনি।
করিস্নে ভয় পরাজয়ে নিস্নে মানি
যাবার বেলায় পথের বাঁকে, শোন বৃষ্টি
কে পিছু ডাকে
দিস্নে সাড়া কোণা নামে, কোণা
নতুন টানে ॥

[৩]

মোরা পুলক যাচি', তবু স্মৃথ না মানি,—
যদি বাথায় দোলে, তব হৃদয় খানি ॥
তব চোখেরি ভাষা, যদি না আনে আশা
তবে কেমনে গাহি সুধা-সরস-বাণী ॥
আমার ভবনে আজি মোহন এসো।
অধর-ধরা বেণু-বাদন এসো।
শিরে শোভে শিখী পাখা,
নয়নে, অমিয়া-মাখা,—
হুপুর রণিয়া প্রেম-সাধন এসো ॥
ক্ষণিক মধুর তব হাসির লাগি'—
মোদের আনন্দ-লোক নিতি ওঠে জাগি'
রহে হিয়ায় প্রীতি,
রাজে কঠে গীতি,
প্রাণে জয় কামনা, তুমি পূরাবে জানি ॥

[৪]

আমার ভুবন ভ'রে বেজেছে আজ
প্রণয় পাগল সুর
সেই সুরের হারে সাজাই তোমায়
সুন্দর মধুর ॥

তুমি আমার প্রিয়তম
জানাতে চায় হৃদয় মম,
রও যে আমার আঁখির 'পরে
নিতুই সুমধুর ॥
ভোলাও মোরে মোহন রূপে
চোখের ভাষায় চুপে চুপে
আমার প্রাণে তোমার খেলা
করো পরিপূর ॥

[৫]

লাখ লাখ যুগ হিয়ে হিয়ে রাখলু
তবু হিয়া জুড়ন না গেল।—
সখি কি পুছসি অনুভব মোয়
সেই পীরিতি অনুরাগ বাখানিতে
তিলে তিলে নৌতুন হোয়।
জনম অবধি হাম রূপ নেহারলু
নয়ন না তিরপিত ভেল
সেই মধুর বোল শ্রবনহি শুনল
শ্রুতি পথে পরশ না গেল ॥

[৬]

কেন পরাণ হলো বাঁধন হারা মন না জানে।
জানাই হিয়ার গোপন বাণী গানে গানে ॥
ওগো বন্ধু পথের সাথী,—
আসে যদি নিবিড় রাতি,
তোমায় স্মরি জীবন-সখা
চন্বো অলখ্ পানে,
তোমায় প্রিয় জানাতে চাই গানে গানে ॥
ছঃখ-সুখ চিন্তে হবে,

ভুলের নেশা টুটবে তবে,
অকারণ এই চঞ্চলতা

জাগে যদি প্রাণে,
আনন্দ তান লাগবে তখন গানে গানে ॥

[৭]

সুন্দর মম শুনালে যে কোন বাণী
হরষে মগন ধরা।
সে-বারতা মোর মরমের জানি জানি
আশার রাগিনী-ভরা।
জীবনে আসিয়া দাঁড়ালে গো রমণীয়
কহিলে পরাণ-শ্রিয়—
'তোমার বীণায় মোরে গান সেধে নিয়ো—'
ধরা দিনু অগোচরা ॥

হৃদয় আমার ফুটিল কুসুম হ'য়ে
সকল মাধুরী ল'য়ে
সঁপিছু তোমারে সে ফুল গোপনে র'য়ে—
ভরি ডালা মনোহরা।

[৮]

হৃদয় আমার, আনন্দ তোর জাগলোরে
আজ জাগলোরে
মাতিয়ে দেবার, নাচিয়ে দেবার অধীর
নেশা লাগলোরে।

অনন্ত প্রাণ কী উল্লাসে
নাচে যে ঐ অটু-হাঁসে
জীবন দোলে তালে তালে বিভোল-
মাতন লাগলোরে ॥

[৯]

বুকের মাঝে নিলেম যা'রে
ফাঁকি—যে দেয় সেই আমারে,
শূন্য পরাণ দাও ভরে দাও হে মোর প্রেমময়,
অন্ধজনের আলো তুতি ওহে জ্যোতির্ময় ॥

চণ্ডীদাস

মীরাবাই

দেবদাস

বিজ্ঞাপতি

দিদি

দেশের মাটি

সাপুড়ে

পরিচয়

উদয়ের পথে

নির্মাণমান চিত্রাবলী—

নাস' সিসি

পল্লিত্রাণ

রামের স্মৃতি

পরিচালনা—ভোলা মিত্র

প্রতিবাদ

প্রবোধ স্মাণ্ডালের

মন্ত্রমুগ্ধ

মহাপ্রস্থানের পথে

বিবুপ্রিয়া

পরিচালনা—কার্তিক চট্টোপাধ্যায়

নিউ থিয়েটার্সের বাংলা চিত্রের একমাত্র পরিবেশক—

অরোরা ফিল্ম কর্পোরেশন লিমিটেড

১২৫, ধর্মতলা ষ্ট্রীট, কলিকাতা।



নিউ থিয়েটার্সের অতুলনীয়
চিত্রসম্ভার—